

علوم اقتصادی و اجتماعی

مجموعہ

مر آیت برنجی کونی نشر اولنور

مؤسسلری :

احمد شعیب ، رضا توفیق ، محمد جاوید

مضمرہات :

عوامل اجتماعی : احمد شعیب . — دہ موقراسی و سوسیالیزم :
آصف نفی . — دیون عمومیہ دول : احمد مختار . — انکیز
حکیم مشہوری جون ستوتہ رت میل حریتی فصل آکلیپور :
رضا توفیق . — فرانہ اختلال کبیری : احمد شعیب . —
نشریات و وقایع اقتصادی : محمد جاوید . — یک سکن یوز التمش
سنہ سی استقراضنک مقالہ نامہ سی .

مدیر و صاحب امتیازی :

محمد جاوید

امور ادارہ و تحریرہ : نور عثمانیہ جوارندہ طنین ادارہ خانہ سی

نسخہ سی : ۱۰ غروش

استانبول

باب عالی جادہ سندہ ہلال مطبعہ سی ، ۶۶ و

دیون عمومی دولت

دولت لک واردات و مصارفاتی ، ایکی اساسی قسمه آیرلمشدر . برنجی .
قسم ، بر ماهیت سنوبه نی حائر اولانلریدرکه صلاحیتدار اولان دوائر
طرفدن لزومه کوره سنه دن سنه یه تبدیلی اولنه بیایرلر . بونلر ، بر طرفدن
شعبات مختلفه عمومی نك مصارفاتی درکه احتیاجه نظراً توسیع و تحدیدی
ممکندر ؛ دیگر طرفدن و برکولردن حاصل اولان وارداتدرکه تفرقه لربنك
دائماً تبدیل و تغییری قابلدر . ایکنجی قسم ایسه ماضینك یادکاری اولوب
بودجه نك هر دفعه تنظیمنده ، اولدینی کی قبول مجبوریدر . و بوقسمك
تبدیلی آماجق بطی و دواملی تدایر سایه سنده قابل اولابیلر . بوده بر
طرفدن عتد اولنان استعراضلردن و یا صور سائر دایله ایدیان بورجلردن
متشکل دیون عمومی در ؛ دیگر طرفدن املاک و اراضی امیریه نك و دولت
طرفدن ایشله دیلن و یا دولت حسابنه ایشله دیلوب حاصلاتندن بر قسمی
دولته وریلان امتیازات مختلفه نك وارداتندن عبارتدر .
بزومه مقاله مزده یالکز ایکنجی قسمك شق اولنی یعنی او و یا دولت لربنشه
اك محاملری ایله جمایر متفقه نك دیون عمومی لربنی تدقیق ایده جکز .

انگلتره

انگلتره ، فرانسه اختلال کیری اثناسنده و برنجی ناپولیون دورنده
فرانسه علیهنده بر قاج دفعه تشکل ایدن اوروپا اتفاق دولیسی مصارف

حربه سنك قسم اعظمی تأديه ايله مش اولديغدن ديون عمومیه سی اون طقوزنجی عصرک اواسطنده مملکتک تحمکنک فرقدنه وحتی انکلتیره نك اقتصاداً خرابیسی موجب اوله جق بر مرتبه یه واصل اولمشدی .

انکلتیره ديون عمومیه سنك اساسی، همان معصرأ محارباتدر . صلح زمانلرنده ، انکلتیره دائماً آمورتیسمان صورتيله ديون عمومیه نك و تحویل ديون صورتيله فائضك مقدارینی تنقیص ايله مشدر .

انکلتیره، فرانسه دن برعصر اول تههداتنک ایفاسنده کوستردیکی انتظام سایه سنده پك صاغلام بر اعتبار مالی قازانمش و او وقندن بری بوندن دائماً زیاده سیله استفاده ايله مشدر . ۱۶۸۸ ده کیلوم دورانزك جلوسنده، انکلتیره ديون عمومیه سی آنجق ۲۶ میلیون فرانقندن عبارتدی . ۱۷۹۳ ده یسی اختلال کبر محارباتنک باشلانغجنده انکلتیره ديون عمومیه سی آتی میلباره بانغ اولمش و بونك فائض ورأس المالی ایچون بودجه ده ۲۳۶ میلیون فرانق تخصیص اولنمش ایدی که بومبلغ او وقتکی انکلتیره بودجه سنك نصفه قریب ایدی . بو بورجك درنده اوچی آمریقا محاربه سی ایچون ایدلمشدی .

۱۷۹۳ دن ۱۸۱۵ سنه سنه قدر دوام ایدن محاربات مصارفی قسماً ویرکولرله قیادلمشدر . چونکه بومدت ظرفنده ویرکولر، همان درت مثلی قدر تراید ايله مشدی . مع هذا بومصارفه قارشواق اوله رق بر قاج مهم استقراض عقد ایدلمشدر . ۱۸۱۵ ده ديون عمومیه نك مقداری ۲۱،۵۰۰ میلبار فرانقه حقیقتمشدر . بونك رأس المال وفائضی ایچون ۸۱۲ میلیون فرانق تسویه اولنیوردی که سرماییه تحویل اولندینی تقدیرده اوتاریخنده کی ثروت ملیه نك ثانی درجه سنده بر مبلغ حصوله کلیر . بومبلغ ، مملکتک نفوسنه تقسیم اولندینی حالده آدم باشنه ۱۲۰۰ فرانق اصابت ايله مکده

ایدی . بو تاریخدن بری انکلتزه حکومتی دیون عمومیه سنی تحویلات صتون آلتی ویا دائمی راتی قابله اطلاق سنه لکه تحویل ایله مک صورتیه تنقیصه چالیش و بر بودجه آچیقنک استقراض ایله قاپادلینی پک نادر وقوعه کلسدر . مستملکاته واقع اولان سوقیات عسکریه نک حتی بر میلیار قدر استقراضاتی موجب اولان قریم سفری کبی بیوک بر محاربه نک مصارفاتک قسم اعظمی ویرکو حاصلاتیه تسویه اولمشدر .

۱۸۳۰ ده دیون عمومیه دن ایکی میلیار فرائق تسویه ایدلشدی . بو تاریخدن ۱۸۷۰ تاریخه قدر آمریتسمان دها آزرعتلی واستقراضات دها صیق اولدیقندن دیون عمومیه ۲۰ میلیار فرائق درجه سنده قالمشدر . بوزماندن اعتباراً دائماً تناقص ایله مش و ۱۸۹۹ ده ۱۶ میلیار دن آشاغی به دو شمشدر . بومبلغ ایچون سنوی ۶۲۵ میلیون فرائق تسویه اولنقهده ایدی که آنجق آلتیده بری رأس المالك تسویه سنه تخصیص ایدلشدی .

ترانسوال محارباتک بر قسم مصارفی ویرکولرله تسویه اولنه بیلوب متباقیسی ایچون استقراض ایدلدیکندن و محاربه نک خاتمندن صکره دونتانک تزییدی ایچون دخی بعض استقراضلر عقدینه مجبوریت حاصل اولدیقندن ۱۹۰۳ ده دیون عمومیه یکیدن ۲۰ میلیاره چیقمشدر . لکن احرار فرقه سنک زمام اداره نی اله آلدینی تاریخدن بری آمریتسمان تکرار باشلامش و ۱۹۰۶ و ۱۹۰۷ ده دونتانک تزییدی ایچون ۴۰۰ میلیون فرائق بر استقراض عقد ایدلدیکی حالده دیون عمومیه دن ۶۰۰ میلیون فرائق تزییل ایدلشددر . قونسولیده ویریلان فائضک مقداری ۱۸۸۸ ده اجرا قلنان تحویل معامله سنک شرائطی موجبیه ۱۹۰۳ ده یوزده « $۲\frac{1}{4}$ » . ایندیرلشددر . ۱۹۰۶ . بودجه سنده دیون عمومیه نک فائضی ایچون ۵۶۰ میلیون و رأس المالك تأدییه سی ایچون ۱۵۰ میلیون فرائق تخصیص

اولئمشدر . لکن بودجده مندرج واردات منخنه دن ظهور ایدن فضله ايله بومقداردن پک زیاده آمورتیسمان یابیشدر .

فی الواقع انکتره نك ديون عمومیه سنك مقدار حاضری یکیدن یوندن طقسان سنه اولکی درجه یه واصل اولمش ایسه ده ثروت ملیه او درجه تزايد ایتمشدر که الیوم ديون عمومیه ، ثروت ملیه نك آنجیق یکرمیده بری راده سنده در و آدم باشنه ۴۵۰ فرانق اصابت ایتمکده در .

۱۸۱۵ دن بری واردات عمومیه نك حد وسطی برنست مهممه تزايد ايله مشدر . ثروت عمومیه ده حاصل اولان بوتزايد خارق العاده سایه سنده بوکون انکتره نك موقع مالیه یی پک مکمل و پک صاعلامدر . مع هذا اخیراً مالیه ناظری طرفدن مجلس مبعوثانه تودیع اولنان بودجده ۱۶ $\frac{1}{4}$ میلیون انکلیز لیرالق بر آجیق وارددر . ترانسوال محاربه سندن بری بو حال ، برنجی دفعه واقع اولمقده در .

بو آجیق ، اختیارلر ایچون تقاعديه تخصیصنه دائر پارلمنتو طرفدن قبول اولنان قانونک تطبیقنه مباشرت اولنمسندن و دوتنماتک تربیدی ایچون مبالغ مهممه تخصیص ایدلمسندن دولایی حاصل اولمشدر . مالیه ناظری بو آجیقک ، یکی ویرکولر احداثی واسکیلردن بعضیلرینک تربیدی و دیون عمومیه نك اطفاسی ایچون مخصوص مبلغدن اوچ میلیون لیرایه قدر تنزیلات اجراسی صورتیله قبادیله جفتی بیان ایتمشدر .

فرانسه

فرانسه نك اون طقوزنجی عصردن مقدم ، حکومات سابقه طرفدن عقد اولنان استقرضاتدن متباقی ديون عمومیه سی پک جزئیدر . او وقتلر

استقراض اصولی يك چوق دفعه لر تطبیق اولنش ایسه ده ازمئه مختلفه ده
اعلان ایدیلنه افلاس لر صورت دائمه ده تراید ابدن دیون عمومیه نك مقداری
تزیل ایله مشلر در . بوجه تله یکن اون طقوزنجی عصرده فرانسه ده
استقراض اصولی ایجاد ایدلماش بلکه دیون عمومیه نك تأدیه سی قاعده سی
کشف اولمشدر . اسکی اداره ، بورجلق ایچون یکی اداره دن دها آزماهر
دکلدی . برنجی فرانسو آ ۱۵۲۲ تاریخده شهراماتی اوزرینه رانتلر وضع
ایده رك دائمی راتی ایجاد ایله مشدر . فرانسو آنك اخلاقی زماننده
مختلف استقراض لر عقد ایدلمش و مختلف رانتلر احداث اولمشدر .
حکومت ، هیچ برزمان بورجی منتظماً تأدیه یی دوشونماش ودا
تداخلده براقشدر . دیون عمومیه نك مقداری يك زیاده لشدیکی وقت
یا برافلاس اعلانی و یادیونك تدقیقه مباشرت اولنه رق کفی برصورته
تزیلات اجرایی صورتلریله دیون عمومیه نك مقداری تزیل ایدلشدر .
دیون عمومیه نك بوضورتله تزیلی اصولی ، سولای و قولبر کی فرانسه امور
مالیه نك اصلاحه چالیشمش اولان مشاهیر طرفندن ده تطبیق اولمشدر .
لکن بواصول فرانسه مالیه سنی ، انزیاذه خراب ایدن ده مارست طرفندن
يك چوق استعمال ایدلشدر . اون دردنجی لوینك وفاتنده دیون عمومیه نك
مقداری ایکی میلیار فرانغه واصل اولمش وابلرودن اوچ سنه لك واردات ده
صرف ایدلشدی . نیابت حکومت ، حكومتك بورجلرنی سیلش و بواوسطه
ایله آلاچقلیلری ۵۰۰ میلیون فرانیك ترك ایتدیرمه مجبور ایتمشدر .
۱۷۶۹ ده لاو ایله سیلوئتك واون بشنجی لوتی دورینك صوك سنه لرنده
راهب ترده نك تشبثات مجنونانه سندن صکره پاری برادرلر مختلف شکلرده یکی
افلاس لر اعلان ایتدیلر ومع هذا وون آلتنجی لوینك جلوسنده دیون عمومیه نك فائض
• أس الماز ایچون مخصوص اولان مبلغی ۱۲۰ میلیونن آشاغی ایندیره مدیلر .

اون آلتيجي لوئي، اسلافك استعمال ايله ديكي وسائط غير مشروعيه، مراجعت ايله مدي. لکن آسريقا محاربه سنك مصارفاته وتولونك اسرافاته قارشولوق اوله رق حڪومتك ۱۷۷۳ و ۱۷۸۹ تاريخلر نده عقد ايله ديكي استقراضلرك مجموعي ۲ ميلياره قريبي ايدى.

اختلال كبير، تحويلات صانون آلفه كيمه راغب اولمديفنندن، استقراض اصولنه مراجعت ايله مدي. ومكرراً تجربه اولنان مجبورى استقراض واعانه و ظهرو رانه اصوللرى ايسه منج موفقيت اولمادى.

اختلالك دوام مدتجه وركولرك منتظماً حياتى قابل اولامديفنندن اوروپا ايله ابديلان حربلرك ومحاربات داخلينهك مصارفات عظيمه سى املاك مليه وصور سائر ايله تايمين اولنان قوايم نقيده واسطه سيله تسويه اولمشدر. بو اوراقك قيمت اعتباريه سى ۴۰ - ۵۰ ميليار كجى محير العقول برمقداره واصل اولديفنندن متمادياً نزل ايله مش ونهايه لامر عظيم برافلاس واسطه سيله فسخ والفا ايدلشدر. بوندن اولكى ديون ايچون «قونوانسيون» طرفندن قامبونك تكليفى اوزرينه ۱۷۹۳ آغستوسنك يكرمى دردى تاريخلى قانونه ۵٪ فائضلى فرانسه راتنه مائل ۱۲۰ ميليونلق يكانه دائمي بررانت احداث اولمش ايسه ده بونك فائضى منتظماً تسويه اولنه مديفنندن ۱۷۹۷ ده ديكر برقانون ايله بو ۱۲۰ ميليونلق راتنك اوچده برينك نقداً واوچده ايكي سنك املاك مليه ايله مبادله اولنه حق قوايم ايله تسويه سى قرارلشمشدر.

۱۸۰۰ تاريخندن مقدم دفتر كبيره قيد اولنان راتلرك مقدارى ۴۰ ميليون واختلال كيردن قالان ديونك مجموعي ۱۰ ميليوندن عبارت ايدى. فرانسهك برعصر اولكى ديونك مجموعي ۵٪ فائضلى بواللى ميليونلق راتنك قيمت اعتباريه سى اولان برميليارد تشكيل ايدىوردى.

بو تاریخدن اعتباراً فرانسه ده رأس کاره کچن حکومت مختلفه نك
 سجه سی بربرينك تههداته رعایت ايله دكلرندن فرانسه نك اعتبار مالیسی
 تأسس وتاید ايله مشدر . لکن بو حکومتلرک هربری ، دیون عمومیه نك
 مقدارینی تزید ایتمشدر .

برنجی ایمپراطورلق ، دفتر کبیره آنجق ۱۳ میلیونلق رانت علاوه
 ايله مشدر . برنجی نابولون ، محاربات مختلفه سنك مصارفی ، مغلوب اقوامدن
 آلدینی تضمینلرندن قیامنی ترجیح ایلردی . لکن سقوطنده صول محارباتك
 مصارفات متباقیه سی واوروبا هیئت متفقهنه ویريله جك تضمینات وعساکر
 اجنبیه نك مصارفندن مرکب اوله رق عظیم بربورج براقشدر . بونلر
 ایچون ۵٪ فاضلی ۱۳۰ میلیونلق رانت احداثه مجبوریت کورلمشدرکه
 بونلر ابتداری یوزی ۵۷،۳۶ وبعده ۸۹،۵۵ فرانق قیتمله موقع تداوله
 وضع اولمشدر .

مصدره اولنان املاک بدلی اوله رق مهاجرینه ویریلن تضمینات ایچون
 ۳٪ فاضلی ۲۶ میلیونلق یونان واسپانیا سفرلری ایچون احداث اولنان
 ۸ میلیونلق رانتلرکده بوکا علاوه سی لازمدر . بوندن صکره اجرالنبوب
 ۶ میلیونلق برکارنامین ایدن تحویل دیون ودواملی براطفا سایه سنده «تموز
 اختلال» ی ائسانده آنجق ۱۶۵ میلیونلق رانت موجود ایدی .

لوی فیلیپ حکومتی ، ابتداری اختلالدن متولد قاریشیققلرلی دفع
 ایچون و ۱۸۴۰ دن صکره کرک امور نافع و کرک مصارفات عسکریه
 ایچون برقاچ دفعه استقراض عتدینه مجبور اولمشدر . مع هذا بو حکومت
 زماننده دائمی رانت آنجق ۱۲ میلیون آرتمشدر . لوی فیلیپ دوری
 صلح ایچنده گذران ايله دیکندن دیون عمومیه نك تناقصی اقتضایبتدیکی حالده
 تزیاید ايله مشدر . بوندن ماعدا بو دورک ابتداسنده ۲۵۰ میلیون

عبارت اولان دیون غیر منتظمه ۶۳۰ میلیونہ فیلامشدی .

ایکجی جمهوریت ، ابتدا پک مهم مشکلاته هدف اولمشدر .
بونک ایچون ، بعض کونا فداکاراق اختیارینه مجبوریت کورلمشدر .
۱۸۵۱ده درت سنه ظرفده ۵۲ میلیونق یکی رانت احداث اولندیغندن
فرانس رانتک مقداری ۲۳۱ میلیون چقمشدر . دائمی دینک درنده
اوچی $\frac{5}{100}$ وبر چایرکی $\frac{3}{100}$ فائضی رانتدن مرکب ایدی .

ایکجی امپراطورلغک ابتدا سندن ۱۸۷۰ محاربه سنه قدر دین دائمینک
مقداری ، کرک محاربات مختلفه و کرک شمدوفرلردن غیری امور نافعہ
ایچون عقد اولنان استقراضردن دولانی زیاده سیله آتمشدر . باخصوص
یوزی (۶۰ و ۷۰) . موقع تداوله قونیسلان $\frac{3}{100}$ فائضی ۱۳۰
میلیونق رانت احداث ایدلمشدر . صوک سنه لره قدرده آمورتیسمان تأجیل
اولنمشدی .

بوندن صکره اجرا قلنان تحویل معاملاتی سایه سنده دیون عمومیہ نک
مقداری تزیید اولنقمسزین ۱۶۰ میلیونق بر استقراض دها عقد اولنمشدر
و بو تحویل معاملہ لری دیون عمومیہ نک تزییلنه بیله خدمت ایتشدر .
بوتزیلاته رغماً ۱۸۷۰ سنه سی کانون تانینسک برنده دائمی رانتک
مقداری ۳۶۰ میلیون بالغ اولمشدی که بونک اونده طقوزی $\frac{3}{100}$ فائضی
متباقیسی ۴۰۵۰ فائضی ایدی . فرانسز رانتک ، بوصورتله تزییدن ماعدا
ایکجی امپراطورلق دورنده ایکجی درجه ده کی دیونک مقداری ده پک
زیاده لشمشدر .

دیون غیر منتظمه نک ، ثروت ملیہ نک تزییدی نظر دقتہ آلدینی
تقدیرده پک نسبتسز بر درجه ده آرتماش اولدینی کوریلور . عینی تاریخده
یونوع دیونک مقداری ۸۰۰ میلیونہ رسیده اولما شدی . لکن برمدن بری

شندوفر شرکتلری واسطہ سبلہ عقد اولنان بالواسطہ استقراض اصولی ،
موقع تطبیقہ قونمغہ باشلامش ایدی .

۱۹۵۰ — ۱۹۶۰ سنہلری بپتندہ کاملاً تادیہ اولنمسی مقرر اولان
و ۱۸۶۹ بودجہ سندنہ مقید بولنان بونوع تعہدات وجہ آتی اوزرہ
تقسیم اولنمش ایدی :

۲۴ میلیون شندوفر شرکتلرینک تحویلہلرینک تادیہ سی ایچون ،

۱۰ میلیون بعض سنہلکمر ایچون ،

۳۴ میلیون بیوک شندوفر قومانیہ لرینک سرمایہ لرینک فائض تأمیناتی .

بروسیاہ اعلان حرب اولنمہ دن اول بونوع تعہداتک مجموعی ۲۶۰

میلونہ ودیون عمومہ نک مقداری ، یوزی یوز عد اولنقی اوزرہ ، ۱۳

میلیارہ قریب ایدی .

ایکینچی ایمپراطہ رلقودہ ، برنجیسی کی بیوک برفلاکتلہ ختامہ ایرمشدرکہ
بونک تعمیر ، اوچنچی جمهوریتی ابدالرنندہ پک زیادہ مشکلاتہ معروض
براقشدر .

اک دوعرو واک جدی تخمینہ کورہ ۱۸۷۰ — ۱۸۷۱ محاربہ سنک

مصارفاتی ، ۵ میلیارد تخمینات حربیہ واشغال عساکری مصارفی ، وضرر دیدہ

اولان ولایاتہ واشخاصہ ویریلان تخمینات ، خراب اولان مبانی وسائرہ نک

یکیدن انشاسی وارردو لوازمک تجدیداً تدارکی بدلی داخلی اولق اوزرہ

۹،۸۲۰ میلونہ بالغ اولمشدرکہ بونک ۹ میلیاردی استقراض صورتیلہ

قیادلمشدر .

بومبلغک تدارکی ایچون دائمی رانت شکلندہ اوچ بیوک استقراض

عقد ایدلمشدرکہ برنجیسی ۳٪ فائضلی اولوب یوزی ۶۰،۶۰ اولہرق

مواقع تداولہ قونمش و ۸۰۵ میلیون حاصل ایتمشدر . دیگر ایکبسی ۵٪

فائضی اولوب یوزی ۸۲,۵۰ و ۸۴,۵۰ اوله رق موقع تداوله جیقارلمش و بو ایکی استقراضدن ۵,۷۹۲ میلیون فرائق حصوله کلمشدره. بونلردن ماعدا انشای محاربه ده لوندرده موقع تداوله قونیلان ۲۰۹ میلیون مورغان استقراضی ایله فرانسه بانک سنک آوانس صورتیله اقراض ایله دیکی ۱,۴۷۰ میلیون واردر.

بومدهش محاربه نك كافه مصارفی تسویه اولندقدن صكره فرانسه نك بدینی ۲۴ میلیارد رسیده اولمش و ۱۸۷۰ بودجه سننده بو بورجك فائض ورأس المالك تأديه سی ایچون ۱,۱۶۶ میلیون فرائق مقید بولمیشدر. ۱۸۷۸ ده طرق ومعار و ابنيه مكاتب انشاسی ایچون تنظیم اولسان و اون سنده اكملی تصور ایدیلان لایحه اصلاحیه نك قارشولمى اوله رق تخمین اولنان ۵ میلیارد استحصالی ایچون ۱۸۷۹ دن ۱۹۰۳ قدر سنوی تأديه اولنه جق مبالغ ایله احیا اولمقی اوزره $\frac{۳}{۱۰}$ فائضی یکی بر نوع استقراض احداث اولندی.

۱۸۸۳ ده بودجه خارجنده کی مصارف ۸۰۰ میلیون کبی مهم بر مبلغدن عبارت بولنیوردی. حال بوکه عادی بودجه ده ۶۲ میلیون آجیق واردی. بوانساده ظهور ایدوب برقاق سنلر دوام ایدن بحران سیبيله یکیدن استقراضلر عقدینه مجبوریت حاصل اولمشدر.

بو استقراضلره انضمام ایدن بعض معاملات مالیه نتیجه سننده ۱۸۹۱ ده دیون عمومیہ $\frac{۳۰}{۱۰۰}$ میلیارد جیقمشدرکه بومبلغ ایچون فائض ورأس المال مقابلی اوله رق ۱,۱۵۰ میلیون فرائق تسویه اولمقده در.

محاربه دن صكره عقد اولنان بیوك استقراضلردن بری فرانسه مالیه سنك تاریخی خلاصه اولنورسه بوجه آتی نتیجه کوریلور:

۱۸۷۵ ده آمورتیسمان، همان عقد اولنان استقراضلره معادلدر.

۱۸۸۳ ده استقرار، آمورتیسمانی ۶۶۱ میلیون کچمشدر . ۱۸۹۲ ده بوفرق ۱۰۰ میلیونه اینمشدر .

۱۸۹۷ دن بری دیون عمومیه دن تنزیلات اجرا اولغمشدر . بوسایه ده . ۱۸۹۲ دن ۱۹۰۶ به قدر کذاران ایدن ۱۳ سنده دیون عمومیه آتیق یارم میلیار تزايد ایله مشدر .

بعض وقوعات فوق العاده حیالات ایله مدیکی حلاله بک یقین بر زمانده دکلسه بیله ینه آرزمان صکره فرانسه نك احوال مالیه سنك ائی بر دوره کیره چکی شبهه سزدر . بومدت ظرفنده فرانسه ده ثروت عمومیه ملیه بک زیاده آرمشدر

جاهیر متفقہ آمریقا

جاهیر متفقده انکلتره کی بر بحران زماننده سرعتله بیوک بر بورج آلتنه کیرن ولکن بو بورجی عینی سرعتله تنزیل ایدن مملکتلردن بریدر . ۱۸۶۰ تاریخنده آمریقانک دیون عمومیه سی ۵۰۰ میلیون عبارتدی . ۱۸۶۶ ده هیئت متفقہ نك دیونی ۱۵ میلیاره و بونک ایچون سنوی تسویه اولنان فائض ورأس المالك مقداری ۷۵۰ میلیونه چیقمشدی . بو بورج ۳۰ میلیون خلق ایچون بک یوکسکدی .

شمالی وجنوبی حکومتلرک اتحادندن صکره مصارف عسکریه همان یوق دینه جک بر مقداره دوشدیکندن وارداتک عظیم فضله لری بودینک اطفاسنه تخصیص ایدلمشدر .

خصوصیه اصول حمایه نك تطیقندن دولایی کرکرلر زیاده سیله تزید اولدیفندن فضله واردات مهم بر یگونه بالغ اولمش ایدی . بر برینی متعاقب اجرا قلنان محویل معاملاتی ده تنزیل دیونه خدمت

ایله دیکندن ۱۸۹۲ ده جاہیر متفقہ نك دیون عمومی سی ۳ میلیاری
قائضی دین و $\frac{1}{4}$ ۱ میلیاری آجیق بونو بدلی اوله رق $\frac{1}{4}$ ۴ میلیار دن
عبارت بولنوردی .

۱- پانیا محاربہ سی اثنا سنده بومقدار ۶ میلیارہ بالغ اولش ایسه ده
یکدن $\frac{1}{4}$ ۴ میلیارہ انمش و بونک ایچون قاض و رأس المال اوله رق
سنوی ۱۲۰ میلیون تادیه اولمقدہ بولمشدرد .

فی الحقیقہ بومقدارہ ، حکوماتک و شهرلرک خصوصی دینلری ده
علاوہ ایله مک اقتضا ایلرک بونلرہ دیون عمومی نك مجموعی ۱۵ میلیارہ
واصل اولور .

مملکتک ثروت و نفوسی نظر دقتہ آلتیرسه بومقدارک پک اهمیتسز
اولدینی تبین ایدر . جاہیر متفقہ نك یقین وقتہ قدر هر سنہ بودجہ سندہ
عظیم فضله ظهور ایتدیکندن اخیراً بر چوق و بر کولرک مقداری تنزیل
ایدلمشدر .

آلمانیا

آلمانیا هیئت عمومی سی اعتباریله پک آز بورجلی عد اولته بیلیر .
شمالی آلمانیا هیئت متفقہ سی طرفندن ایمپراطورلقہ نقل اولنان دین
فرانسه دن آلمان تضمینات حربیه ایله اطفا ایدلمشدر .
بوتضمینات ایله قلاع و استحکامات تجدیداً انشا و ۱۸۷۱ ده بلا بدل
آلتمش اولان آلساس ولورہن شندو فر شبکه سی توسیع و مختلف احتیاط
خزینہ لری تشکیل ایدلمشدر .

مع هذا ۱۹۰۶ سنہ سی ابتدائسندہ ایمپراطورلقک دیون عمومی سی

۴۱/۱ میلیارد جیقه مشدرکه بونك ایچون سنوی ۱۴۸ میلیون تسویه اولغندده دره
ایلوم ۵ میلیاری تجاوز ایله مشدر .

آلمانیا هیئت متفقہ سنك آلساس ولورن شندو فرلری ایچون صرف
ایله دیکی مبالغدن بشقه مصارف مهم سی اولدینی جهتله بردوره صلحه
بوقدر مهم استقرار عقیدنه مجبوریات حاصل اولمندن امور مالیہ نك
يك حسن صورته اداره اولغدینی آکلا شلقده در . لکن آلساس ولورن
شندو فرلرینك حاصلات صافیہ سی وایمپراطورلق بانقہ سی حاصلاندن
حکومتك حصہ سنہ اسابت ایدن مبالغ و معلولین سرمایہ سنك قاضی دیون
عمومیہ ایچون تسویه اولنان ۱۴۸ میلیونك نصفه معادل اولدیغندن
متباقینك ثروتی سرعته تراید ایدن ۶۲ میلیونلق بر خلق ایچون يك
خفیف بر يوك بولدینی شبهه سزدر .

حکومات خصوصیه نك دیون عمومیہ لری دها یوکسك ایسه ده
خلق اوزرنده تأثیری یوقدر . چونکه رژی صورتنده ایشله دیلن
شندو فرلرک مصارف انشایه سندن يك فضله دکلدرلر . بوشندو فرلرک
حاصلات صافیہ لری ایسه سرمایہ نك قاضنه تقابل ایدمك مقدارده در .
حق پروسیه شندو فرلرینك حاصلاتی دیون عمومیہ ایچون تسویه
اولنان مبالغدن فضله در . پروسیه نك دیون عمومیہ سی ۱۰ میلیارد قریب
اولوب قاض اوله رق سنوی ۳۴۰ میلیون و بونك اطفاسی ایچون ۶۰
میلیون تسویه ایله مکده در . حال بوکه پروسیه شندو فرلری ۱۱/۱ میلیارد
قیقی حائر و ۱۹۰۶-۱۹۰۷ سنه سنده حاصلات صافیہ سی ۸۰۰ میلیون
خرانقه بالغ اولمشدر . فی الحقیقه دیگر حکومتك شندو فرلری ، عینی
شرائطی حائر دکلسه لده تقریباً ۶ میلیارد سرمایہ ایله انشا قننان
بوشندو فرلرک حاصلات صافیہ سنویہ سی ۲۳۰ میلیوندر . بو حکومت

جموعی ۶۱/۳ مليار فرانكدين عبارت ديون عموميه لرینك فائضی و آمورتسمانی ایچون سنوی ۲۶۵ میلیون فرانك تسویه ایله مکنده درلر .
یالکز آلمان شهرلرینك وارداتی ، ۵ ملياره قریب اولان دینلرینك فائض وراث المالک تأدیه سنه کافی درجه ده دکادر .

روسیه

روسیه نك ديون عمومیه سی ، ژاپونیا محاربه سندن اول ، ۱۸ ملياردن عبارتدی . بو محاربه نك تصفیة مصارف و تخریباتی بومقداری ۱۹۰۷ سنه سی نهایتده ، ۲۴ ملياره فیرلا تمشدركه بونك ایچون روسیه هرسته ۶۰ میلیونی اطفایه مخصوص اوله رق ۱ مليار فرانك فائض تأدیه ایله مکنده در .

سیریا ده انشایی متصور اولان شندوفرلر ، دیون عمومیه یی زیاده سیله آرتدیره جقدر . بودینه شندوفر قومپانیه لرینه ویریلن ۸۰ میلیونلق تأمینات آنقلمنی ده علاوه ایله مك لازمدر . مع هذا روس شندوفرلرینك قیمت حاضره سی ۱۱ - ۱۲ مليار و حاصلات صافیه لری ۱۹۰۶ ده ۳۲۰ میلیون فرانكدی . حکومت اورمانلری ده ۲۰۰ - ۳۰۰ میلیون فرانك حاصلات صافیه ویرمکنده در .

اراضی امیریه یی صانون آلتق ایچون کویلیرله اقراض ایدیلان مبالغ ایله زادکان باقه سنك اصلاح اراضی ایچون آلدیغی مبالغ ده دیون عمومیه نك ۵ مليار قابارمنه سبب اولمشدر . روسیه بودجه سنده اولدقجه مهم بر آجیق اولوب بونك قبادلسی ایچون یکی ویرکولر احداثی و یا اسکیلرک تربیدی ، مملکتك شرائط اقتصادی حاضره سنه کوره قابل اولمديفنندن روسیه نك موقع حالیه یی بر آز مشكلجه در .

اوستریا

اوستریا نك ديون عموميه‌سی ، ۱۹۰۶ سنه‌سی نه‌ایتمده ۱۰ ميليارايندى .
بومبلغك فائض ورأس المالى ايچون ۴۰۰ ميليون فرانك تسويه اولتمقده دركه
بومقداره دين مشترك ايچون مجارستانك تأديه ايله ديكي ۶۰ ميليونك ده
علاوه‌سی لازمدر . اوستريا حكومتى شمدوفرلرى ايچون ۳,۲۰۰ ميليون
فرانك صرف ايله مشدر . بونلردن ۹۲ ميايون حاصلات صافيه استحصال
ايتكمده در .

اليوم بعض شركتلردن آله جق خطرلك اشتراعى ، ديون عموميه‌يى
اولدجه يوكسلته جكددر .

مجارستانك دين مشتركدن بشقه ۶ ميليار بورجى واردركه بومبلغ
ايچون سنوى ۲۵۰ ميليون تأديه ايتكمده در .
مجارستانك لك مهم شمدوفر خطارى حكومتك ماليدر . بونلرك
انشاسى ايچون ۲,۵۰۰ ميليون صرف ايدلمشدر . حاصلات صافيه‌لرى ده
۱۱۰ ميليوندن عبارت بونلور .

مجارستان اورمانلرينك عظيم برقسى حكومتك مالى اولوب بونلردن ده
اولدجه مهم واردات استحصال ايدلمكده در .
اوستريا ومجارستانده دخى صوك اوتوز سنه‌دن برى ثروت مليه‌بك زياده
آرتديغندن امور ماليه بك دوزكون عد اولته بيلير .

ايتاليا

ايتاليانك ، ديون عموميه‌سك مجموعه‌سى ، ۱۳ ميلياردن بر آز زياده در .
بومبلغ ايچون ويريلهن فائض ، ۱۹۰۶ ده مشهور موسيو لوجاچى طرفندن

اجرا قلنان تحویل معاملہ سی ایلہ ۵۰۰ میلیون دین بر مقدارہ تنزیل ایدلمشدر۔
 الیوم یوزده $3\frac{3}{4}$ قاض تأدیہ اولتقدہ در ۱۹۱۲ ده یوزده $(3\frac{1}{4})$ •
 تنزل ایدہ جکدر۔ ایتالیا حکومتی تکمیل شمندوفرلرینی صاتون آلمش و
 بونلری کیرایہ ویرمشدر۔ لکن ۱۹۰۵ دن بری رژی صورتندہ ایشلتکده
 در۔ بوشمندوفرلرک اشتراسی ایچون ۵,۶۵۰ میلیون تسویہ اولندی
 حالده ۱۹۰۶-۱۹۰۷ سنہندہ آنحق ۱۰۹ میلیون حاصلات صافیہ استحصال
 ایدلمشدر۔ ایتالیا، املاک سائرہ ملیہ دن یالکز ۱۵ میلیون واردات
 آلمقدہ درکہ بویارده دیون عمومیہ تخصیص اولتمشدر۔ ایتالیا شہرلرینک
 دیونی ۱۹۰۰ سنہسی نہایتندہ بریوجوق میلیاردن عبارت ایدی۔

ایتالیا، اتحادینی استحصال ایلہ دکن صکرہ صنایع و تجارتک ترقی
 و تعمینہ زیادہ سبیلہ اہمت ویرمکہ باشلامش وبصیرتکارانہ بر سیاست
 انتصادیہ تعقیب ایلمش اولدیغندن ثروت مایہ کیندن کونہ آرنمقدہ در۔
 باخصوص شمالی ایتالیانک معموری یوکسک بر درجہ و واردیغندن
 وبرقاج سنہدن بری بودجہ سندہ اولدجہ مهم بر فضلہ اولدیغندن ایتالیانک
 امور مالیہ سی یولندہ واعتبار مالیہ صاغلامدر۔

اوروپانک ایکنجی درجہ در حکومتانک دیون عمومیہ لری بروجہ آتیدرہ

میلیون فرانک	اسانی دول
۹,۵۰۰	اسپانیا
۴,۴۴۰	پورتیکز
۳,۲۸۰	بلجیقا
۲,۷۳۷	دولت علیہ [°]
۲,۱۱۰	فلنک
۱,۴۳۵	رومانیا
۰,۹۰۰	یونانستان

[°] دیون منتظمہ و محکمہ نک مجموعی ۱۱۹ میلیون عثمانی لیراسیدر۔

اسامی دول	میلیون فرانک
اسوچ	۰,۶۴۵
اسویجره	۰,۵۱۷
صربستان	۰,۴۵۱
نوروچ	۰,۴۰۷
بلغارستان	۰,۳۷۷
دانمارک	۰,۳۴۵

حکومات مذکورہ نیک دیون عمومیہ لریٹک فائض ورأس المالری
ایچون سنوی تسویہ ایله دکتری مبالغ زیردہ کی جندولده کوسترلمشدر :

اسامی دول	میلیون فرانک	اسامی دول	میلیون فرانک
بلغارستان	۳۲	اسپانیا	۴۰۵
صربستان	۲۴	بلجیقا	۱۷۰
اسوچ	۲۴	پورتگال	۱۳۳
نوروچ	۲۰	دولت علیہ	۱۲۳
دانمارک	۱۱	رومانیا	۸۵
اسویجره	۵,۸	فلانڈ	۷۷
		یونانستان	۳۳

اوروپا حکومتیہ جاہیر منفقہ آمریقانک دیون عمومیہ سی نفوس
موجودہ بہ متساویاً تقسیم اولندینی خالدہ آدم باشنہ وجہ آتی اوزرہ
اصابت ایله مکندہ در :

اسامی دول	فرانکی حسابہ
فرانسہ	۷۷۰
اسپانیا	۶۳۰
بلجیقا	۴۹۰
فلانڈ	۴۷۳
اکلترہ	۴۶۳
ایتالیا	۴۰۶

آلمانیا	۳۵۴
یونانستان	۳۱۲
اوستریا و مجارستان	۳۳۵
رومانیا	۲۱۱
نوروژ	۲۱۰
روسیہ	۱۷۲
جماہیر متفقہ آسریقا	۱۶۶
صربستان	۱۶۴
اسپین	۱۵۵
دانمارقہ	۱۴۷
اسوچ	۱۲۰
دولت علیہ	۹۱
بلغارستان	۹۳

موسیو پول لورو آبولیونک قید احتیاط ایله بیان ایله دیکنه نظراً حکومت مدنیہ نیک دیون عمومیہ لری مجموعی، ۱۷۹۳ دہ ۱۳ میلیارد — ۱۸۲۰ دہ ۳۸ میلیارد — ۱۸۴۸ دہ ۴۳ میلیارد — ۱۸۹۶ دہ ۹۸ میلیارد — ۱۹۰۰ دہ ۱۸۰ میلیارد بالغ اولمشدر . بوارقامہ بر قیمت جدید و صحیحہ ویربلہ مزیدہ ده اون طقوزنجی عصر ظرفندہ دیون عمومیہ ملل بر سرعت فوق العادہ ایله تراید ایله مشدر .

لکن صوگ اوتوز سنہ ظرفندہ بوتزایدک اک باشلی سببی شمدوفر شرکتلری حصہ سنداتنک دولت کاغدلری ایله مبادلہ اولغیدیر . فقط بومعاملہ ، برجهندن دیون عمومیہ دولک ترایدینه باعث اولمش ایسده دیگر جهندن ده وارداتک ده فضلہ لشمسنہ خدمت ایله مشدر .

زماننک اک شایان دقت مخصوصاتندن اولان دیون عمومیہ نیک متادیا ترایدی کیتی ، ختامہ ایرمک اوزره بولغندقدن ماعدا بلکه روش حاضر، ایلر وده بوتزایدک برقات دهاسرعتله وقوعه کله جکی کوسترمکده در . شورای دولت اعضاسندن

احمد مختار